


Aktuellis ausn Voreinslabn:

Mit de Pfarle unerwags

Dor Fahrpreis von 20,00 € werd of dor Hiefahrt kassiert. For Getränke währnd dor Fahrt is jeds selberst verantwortlich. Wer aus irgendwelchn Grindle doch net teilnamme ka, der möchte des bitte bis zen 30.7. maldn, ansunstn is dor Fahrpreis voll zu dorstattn. De Eintaaling auf de Woogn erfolgt vor Ort auf'n Norma-Parkplatz. De Fahrt endet am „Spartenheim an der Vodelstraße“. Dort lassn uns de Kutscher aussteign und fahrn dann ham. Se warten also net bis mir gassn ham. Es sei aber paar Autos vor Ort für die, die hamgefahren werdn welln. Ansonstmn muss jeder selber ham laafn.

Bis dohie – bleibt alle racht gesund!

De „Deutsche Nationalbibliothek Leipzig“ hat uns ne Mail geschickt un uns aufgefordert, vo unnern EHV-Büchle jeweils 2 Exemplare zen Aufbewahrn un Dokumentiern ze iebergabn. De Leipziger un de Frankfurter Bibliothekn müssn alle Bücher un Broschürn for de nächsten Generatsjone aufbewahrn. Mir ham unnerer Sachn halt nu hiegeschickt. Hoffntlich kenne die des aa laasn, is is ja allis in unnerer erzgebirgschn Mundart geschriebln...



FAHRDIENST

Wer am 01.08.2024 abgeholt und auch **wieder nach Hause** gefahren werden will, der möchte bitte bis 14:00 Uhr anrufen:

Johannes Wüst Tel.: 3807



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
233

Mitteilungsblatt des
Erzgebirgischen Heimatvereines
Eibenstock e.V.

August
2024



Do ubn is fei immer schie!

De Seenlandschaft nabne Adlerfelsngipfel



Ihr habt des ja bestimmt in der Zeitung gelaest: Ganz ubn gelei nabne Adlerfelsngipfl wird hiebn un driebn e Spielplatz ganz nei gebaut mit nem Baumweg dorzu. Des is su aaner, wu mor eweng hoeher durchn Wald spaziert, wie des su of den Bild ze sah is. Aber dodormit noch lang net genuch: e gruusmach ticher Teich soll do dornabn ent-

stieh, - net zen bodn, des is Natur, dar wird aber gelei als Feierloeschteich genutzt. Un e Stickl wetter drinne entsteht noch e klennerer for de Kinner, die derfn do drinne rimplanschn. Des is ne ganz schiene Sach, die de Uhlmanns do wieder vür ham. Ihr kennt ja schu mol vorbei gieh, wie weit se schu sei. Im Friehgahr söll des Spektakl schu fertich sei, mir sei gespannt un wünschn den Wurzlzrudi-Tiem viel Kraft un Erfolg!



Wir gratulieren unseren Heimatfreunden

Karin Bauer	am 2.8.	zum 68. Geburtstag
Undine Göbler	am 2.8.	zum 66. Geburtstag
Hleinz Jacob	am 2.8.	zum 90. Geburtstag
Gisela Strobelt	am 4.8.	zum 73. Geburtstag
Ina Valdorf	am 5.8.	zum 60. Geburtstag
Sigine Irmisch	am 8.8.	zum 83. Geburtstag
Eveline Büttner	am 11.8.	zum 74. Geburtstag
Anja Hahn	am 14.8.	zum 48. Geburtstag
Ramona Limpert	am 21.8.	zum 67. Geburtstag
Eva Gebauer	am 22.8.	zum 86. Geburtstag
Burkhardt Zinner	am 23.8.	zum 74. Geburtstag
Sabine Zinner	am 26.8.	zum 69. Geburtstag
Gabriele Bonstein	am 28.8.	zum 76. Geburtstag
Ulrike Maixner	am 29.8.	zum 67. Geburtstag
Jürgen Ullmann	am 30.8.	zum 72. Geburtstag
Christine Winter	am 30.8.	zum 79. Geburtstag



*Der Kluge lernt aus allem und von jedem,
der Normale aus seinen Erfahrungen
und der Dumme weiß alles besser.*

- Sokrates -

Mit de Witscher-Pfaarle unnerwags!

*Mir fahrn rings im Eimstock nei
un kehrn im Spartnheim
an dor Vudlstroß zen Assn ei!
Treffpunkt:*

*Donnerstich, ne 1. August,
16.00 Uhr, Norma-Parkplatz*

**... un in September giehts neins Voreinshaus
am Donnerstich, ne 5. 9. 24 um 18.00 Uhr!**

...des is de Fortsetzung vu dor 5. Seit :

Mir ham uns im Regn in Bong for de Roster vu dor Kass gehult un dann dodorfir bei den gutn Maa de Wurscht gehult. Un die ham gut geschmeckt, e manni-cher hat sugar fei zwee gassn!



Trotz den Regn – oder vielleicht sugar wagn den Regn, hatt die ganze Sach noch emol suviel Spaß gemacht. Un nooch dor Vorharsooch hat ja aa des Uwatter aufgehärt un mir kunntn sugar in Trockne dann eham gieh.

E ganz harzlichs Dankeschön an des Tiem vu dor Adleralm mit ne Rosterbroter un den zwee schennstn Maadln, die uns ofs Beste vorsorcht ham! Mir komme gern wieder emol ze eich.

E suwos dorlabt mor abn när mit unnern Eimstocker Arzgebirgsvorein!

Eier Schmidt



Vu dor Lieb zen Hass

Is Labn is Lieb

Is Labn is Lieb,
dorfrei diech an ihr,
denn Lieb haaßt Friedn;
grod den brauchn mir.

Un is sie dorkalt,
zind` ofs Neie se aa,
denn lieblus vorwalt,
is nicht an ihr dra.

E Tropfn an Lieb
bringt Freid dir un Glick,
un fällt of den Spender
mit Zinsiszins zerick!

von Joseph Huber

Aafach emol su

Aamol möcht iech dir sogn,
konnt miech mit dir niemols beklogn.
Warst immer ehrlich un aa su trei,
of jede Stund mit dir iech mich frei!

Aafach söllst du itze wissen,
ohne diech würd iech viel vormissn.
Iech mog deine Näh, bei dir bi iech gern,
diech ze entteischn, des liecht mir fern.

Aafach mol will iech diech preisn,
du bist im Feier mei haaßistis Eisn.
Des mir zam sei, macht miech su fruh,
drim sog iech heit Danke...
aafach emol su!

von Norbert von Tiggelen,

alle beede Gedichtle ins
arzgebirgsche imgewannelt
vun Schmidt

Traurich aber wahr!

Des alte Sprichwort: Trau, Schau, Wem,
hat sei Galting wieder!
Unnern eichne Volk sei de ärgstn Feind,
die vorrotm ihre eichne Brüder.

Die stackn in alle Winkln rim,
hinner Fanster, Baam un Mauern,
wie Katzn schmeichln die siech ra
un tunne när drauf lauern.

Bis aaner siech emol vorschnappt,
tut frei vo dor Laber redn,
ehrlieh un racht, när gut gemaant,
do spinne se schu ihr Fädln.

Die Borleimder, die ihre eichne Lügln
salberst glabn, ball drinne dorstickn,
wolln in gutn Menschn aus Hass un Reid
när aans ofs Zeich nauf flickn.


Mor muss schu mol sogn die grufze Schand,
is lässt siech nimmer vormeidn,
unnere Feind ham mir unnern eichne Volk,
drim ham mir su schlachte Zeitn.

Doch su en Borräter frift kaa Rab:
war lücht betrücht immer wieder,
War sei eichnis Volk vorrotm tut,
stürzt salber in Abgrund nieder.

Denn ieber uns is ne Berachtichkaat,
aamol muss siech jeder maldn,
un wenss bein letzn Stündl is,
dor Herrgott söll allis vorgaltn.

von Anton Günther, geschrieben kurz
vor seinem Ableben 1937, ganz entteischt
vu den Beschehnissn jener Zeit...

Grilln beim Wurzelrudi an der Alm



Was zeicht de Watterkart? Nu du Ugelick – net meh wie Platzregn, Blitz un Hachl! Nu wie soll des dä gieh, mir wolln doch nauf de Adlernalm zen Kaffee un noocherts wieder nunner zen Grilln! Aber die erschte Watterkart hat mir de Denise geschickt, meine hat eweng besser ausgesah – aber – mor kaa ja net wissen wies Watter noocherts wirklich werd...

Aber wie immer bei uns im Vorein – in Kopp net neine Sand gesteckt – auf giehts - is werd schu warn! Un wies halb viere war, do warn e paar Wolkn am Himmel, aber aa de Sonn hat raus geguckt!



Nicht wie nei in den Lift un huch gefahrn. Ubn war beste Sonn, schie warm un viel Platz for uns alle. Alle – des warn 35 Leit, die annern ham abn gedacht is regnt un do genne mir emol net mit do nauf! Bei nor Tass Kaffee, Eis un sinstwos vorging die Zeit do drubn gar schnell. Schnell mußtn mir aa wieder dreiviertelsech-

se nunner, weil – bei dor neistn Baustell gelei nabn ne Gipflkreiz war ne Sprengerei aagesaat, aber mir brauchtn uns net ze ferchtn, wens emol racht knalln tät. Wu mir aber in den Lift zen nunnerfahrn soßn, kame dorwagn e paar superschwarze Wolkn gezugn... lech dacht schu, nu hoffntlich kumme mir allezam heil un trockn erscht emol bis do nunner ins Almtol. Untn aakumme, sooch dar Himmel noch eweng diestrer aus.

Aber mir ham uns in Platz gesucht unner de Schirm, ham uns ewos ze Trinkn gehult, hiegesetzt un of de Roster gewart. Dor gute Rostermaa hat aa gelei aagehaazt un saat ze mir, des is halb Sieme e bissl regne tät, un halb Achte wär dar Spuk dann wieder vorbei.



Aber mir tätn ja gut beschirmt sei. E paarle ham schu racht ängstlich nooch den schwarzn Himml geguckt, doch noch war allis ruhich. Mir ham uns in Sekt, de Limo un is Bier schmeckn lessn un warn in guter Hoffnung, des dar Regn vielleicht doch net kimmt. Dar is ja schu e paar mol bei uns vorbeigezugn un mir sei vorschunt gebliebn.

Un dar hat fei Racht gehatt: Dor Platzregn kam gar heftich un mir mußtn schu ganz schie zamrickn, is warn ja aa noch e paarle vu uns dorzugestußn, die net mit of dor Alm warn. Su soßn un standn mir nu im de 40 Leit unner de Wernisgriener Schirmle, un des hat gegossn...